



萬首唐人絕句卷第六十五

七言一百首

酬人寄簾

魚玄機十二首

珍簾新鋪翡翠樓
泓澄玉水記方流
惟應雲宿情相
似同向銀床恨早秋

和新及第悼亡

一枝月桂和煙秀
萬樹江桃帶雨紅
且醉尊前休悵
望古來悲樂與今同

秋思二首

自嘆多情是足愁
况當風月滿庭秋
洞房偏與更聲

近夜夜燈前欲白頭

江行二首

大江橫抱武昌斜，鸚鵡洲前戶萬家。
畫舸春眠朝未足，夢為蝴蝶也尋花。
煙花已入鸚鵡港，畫舸猶題鸚鵡洲。
醉卧醒吟都不覺，今朝驚在漢江頭。

聞李端公垂釣回

無限荷香染暑衣，阮郎何處弄船歸。
自慙不及鴛鴦侶，猶得雙雙遶釣磯。

隱霧亭

春花秋月入詩篇，白日清宵是散仙。
空捲朱簾不曾下，長移一榻對山眠。

重陽阻雨

滿庭黃菊籬邊折，兩朵芙蓉鏡裏開。
落帽臺前風雨阻，不知何處醉金盃。

江陵愁望有寄

楓葉千枝復萬枝，江橋掩映暮帆遲。
憶君心似西江水，日夜東流無歇時。

送別二首

層城幾夜愜心期，不料仙鄉有別離。
睡覺不嫌雲去

處殘燈一盞野蛾飛
水柔逐器知難定雲出無心肯再歸惆悵春風楚江
暮鴛鴦一隻失群飛

迎李貞外

今日喜時聞鵲喜昨霄燈下拜燈花焚香出戶迎潘
岳不羨牽牛織女家

送盧貞外

玉壘山前風雪夜錦宮城北別離魂信陵公子如稍
問長向夷門感舊恩

聽僧吹蘆管

曉蟬嗚咽暮鶯愁言語殷勤十指頭罷閱梵書勞一
美散隨金磬泥清秋

酬郭簡州寄柑子

霜規不讓黃金色圓質仍含御史香何處同聲情最
異臨川太守謝家郎

上州主武相國二首

落日重城夕霧收玳筵雕俎薦諸侯因令朗月當庭
燎不使珠簾下玉鈎

東閣移尊綺席陳貂簪龍節更宜春軍城畫角三聲
歇雲幕初垂紅燭新

憶荔枝

傳聞象郡隔南荒
絳實豐肌不可忘
近有青衣連楚水
素漿還得類瓊漿

斛石山曉望寄呂侍御

曦輪初轉照仙扃
旋擘烟嵐上窅冥
不得玄暉同指點
天涯蒼翠漫青青

斛石山書事

王家山水畫圖中
意思都盧粉墨容
今日忽登虛境望
步搖冠翠一千峯

寄辭

茵閣芝樓宵靄中
霞開深見玉皇宮
紫陽天上神仙客
稱在人間立世功

送姚員外

萬條江柳早秋枝
裊地翻風色未衰
欲折爾來將贈別
莫教烟月兩鄉悲

酬祝十三秀才

浩思藍山玉彩寒
冰囊敲碎楚金盤
詩家利器馳聲久
何用春闈榜下看

別李郎中

花落梧桐鳳別凰
想登秦嶺更淒涼
安仁縱有詩將

賦一半音詞雜悼亡

送扶鍊師

錦浦歸舟巫峽雲綠波迢遞雨紛紛山陰妙術人傳
久也說將鵝與右軍

摩訶池贈蕭中丞

昔以多能佐碧油今朝同泛舊仙舟
淒涼逝水頽波遠唯有碑泉咽不流

和李書記席上見贈

翩翩射策東堂秀豈復相逢豁寸心
惜為風光為誰麗萬條絲柳翠烟深

棠梨花和李太尉

吳均蕙圃移嘉木正及東谿春雨時
日晚鶯啼何所為淺深紅膩壓繁枝

酬文使君

延英曉拜漢恩新五馬騰驤九陌塵
今日謝庭飛白雪巴歌不復舊陽春

酬吳隨君

支公別墅接花局買得前山揔未經
入戶剡溪雲水滿高齋咫尺躡青冥

酬李校書

才遊愛外身雖遠學茂區中事易聞自顧漳濱多病
後空瞻遺翮舞青雲

賦凌雲寺二首

聞說凌雲寺裏苔風高日近絕纖埃橫雲照染芙蓉
壁是待詩人寶月來

聞說凌雲寺裏花飛空遶磴逐江斜有時鎖得嫦娥
鏡縷出瑤臺五色霞

九日遇雨二首

萬里驚飈朔氣深江城蕭索晝陰陰誰怜不得登山
去可惜寒芳色似金

茱萸秋節佳期阻金菊寒花滿院香神女欲來知有
意先令雲雨暗池塘

酬雍才貽巴峽圖

千疊雲峯萬頃湖白波分去繞荆吳感君識我枕流
意重示瞿塘峽口圖

酬韋校書

芸香誤比荆山玉那似登科甲乙年澹地鮮風將綺
思飄花散蕊媚青天

上王尚書

碧玉雙幢白玉郎初辭天帝下扶桑手持雲篆題新

唐詩卷之五
六
榜十萬人家春日長

和劉賓客玉蕊

瓊枝的皜露珊珊欲折如披霞彩寒閑拂朱房何所
似緣山偏映日輪殘

江邊

西風忽報燕雙雙人世心形兩自降不為魚腸有真
訣誰能夜夜立清江

贈蘇三十中丞

洛陽陌上煙輪氣欲逐秋空繫準飛今日芝泥檢徵
詔別湏臺外振霜威

和郭員外題萬里橋

萬里橋頭獨越吟知憑文字寫愁心納侯風韻蕪前
事不止爲舟也作霖

送鄭資州

雨暗眉山江水流離人掩袂立高樓雙旌千騎駢東
陌獨有羅敷望上頭

江亭宴餞

綠沼紅泥物象幽范汪蕪倅李并州離亭急管四更
後不見車公心獨愁

海棠溪

春教風景駐仙霞水面魚身撏帶花人世不思靈卉
異競將紅纈染輕紗

採蓮舟

風前一葉厭荷蕖解報新秋又得魚兔走烏馳人語
靜滿溪紅袂棹歌初

菱荇沼

水荇斜牽綠藻浮柳絲和葉卧清流何時得向溪頭
賞旋摘菱花旋泛舟

金燈花

欄邊不見蘘蘘葉砌下唯翻艷艷叢細視欲將何物

比曉霞初疊赤城宮

春郊遊眺寄孫處士二首

低頭又立白薔薇愛似零陵香惹衣何事碧鷄孫處
士百勞東去燕西飛

今朝縱目說芳菲夾纈籠裙繡地衣滿袖滿頭兼手
把教人識是看花歸

酬楊供奉法師見招

遠水長流縈復清雪窓高卧與雲平不嫌袁室無烟
火惟笑商山有姓名

試新服裁製初成三首

紫陽宮裏賜光綃
仙霧朦朧隔海遙
霜兔毳寒冰璽
淨嫦娥笑指織星橋

九氣分爲九色霞
五靈仙馭五雲車
春風因過東君
舍偷樣人間染百花

長裾本是上清儀
曾逐群仙把玉芝
每到宮中歌舞
會折腰齊唱步虛詞

寄張元夫

前溪獨立後溪行
鷺識朱窓自不驚
借問人間愁寂
意伯牙絃絕已無聲

酬辛員外折花見遺

青鳥東飛正落梅
銜花滿口下瑤臺
一枝為授殷勤
意把向風前旋旋開

贈遠二首

芙蓉新落蜀山秋
錦字開緘到是愁
閨閣不知戎馬
事月高還上望夫樓

擾弱青蒲綠又齊
春深花落塞前溪
知君未轉秦關
騎日照千門掩袖啼

送友人

水國蒹葭夜有霜
月寒山色共蒼蒼
誰言千里似今
夕離夢杳如關路長

秋泉

冷色初澄一帶烟幽聲遙瀉十絲絃長來枕上牽情
思不使愁人半夜眠

題竹郎廟

竹郎廟前多古木夕陽沉沉山更綠何處江村有笛
聲聲聲盡是迎郎曲

柳絮

二月柳花輕復微春風搖蕩惹人衣他家本是無情
物一向南飛又北飛

贈楊蘊中

死後作

玉漏深長煙耿耿東牆西牆時見影月明窗外子規
啼忍使孤魂愁夜永

邊將二首

裴羽仙

夫征匈奴不歸

風卷平沙日欲曛狼煙遙認犬羊羣李陵一戰無歸
日望斷胡天哭塞塵
良人平昔逐蕃渾力戰輕行出塞門從此不歸成萬
古空留賤妾怨黃昏

闔閭城懷古

裴瑤一首

五湖春水接瑤天國破君亡不記年唯有妖娥曾舞
處古臺寂寞起愁煙

獨夜詞

崔公遠 一首

晴天霜聚寒風急錦帳羅幃羞更入秦箏不復續斷
絃回身掩淚挑燈立

寄故人

張窈窕 二首

澹澹春風花落時不堪愁坐更相思無金可買長門
賦有恨空吟團扇詩

贈有思

與君咫尺長離別遣妾容華為誰說夕望層城眼欲
穿曉臨明鏡腸堪絕

寄征人

廉氏 一首

淒淒北風吹鴛被娟娟西月生蛾眉誰知獨夜相思
處淚滴寒塘蕙草時

春閨怨

程長文 一首

綺陌香飄柳如線時光瞬息如流電良人何處事功
名十載相思不相見

怨詩二首

姚月華

春水悠悠春草綠對此思君淚相續羞將離恨向東
風理盡秦箏不成曲

與君形影分胡越玉枕終年對離別登臺北望煙雨
深回身泣向寥天月

長門怨二首

劉媛

雨滴梧桐秋夜長
愁心和雨到昭陽
淚痕不學君恩斷
拭却千行更萬行
學畫蛾眉獨出羣
當時人道便承恩
經年不見君王面
花落黃昏空掩門

贈張雲容舞

楊貴妃 一首

羅袖動香香不已
紅蕖裊裊秋煙裏
輕雲嶺上乍搖風
嫩柳池邊初拂水

謝人送酒

孟昌期妻 一首

謝將清酒寄愁人
澄澈甘香氣味真好
是綠窻風月

夜一杯搖動滿懷春

夫下第

杜羔妻劉氏 一首

良人的的有奇才
何事年年被放回
如今妾面羞君面
君到來時近夜來

絕張生

崔鶯鶯 一首

自從銷瘦減容光
萬轉千回嬾下牀
不爲傍人羞不起
爲郎憔悴却羞郎

夫入相寄姨妹

元載妻王氏 二首

相國已隨麟閣貴
家風第一右丞詩
筭年解笑鳴機婦
恥見蘇秦富貴時

喻元載阻客

楚水燕歌動畫梁春蘭重換舞衣裳公孫開閣招嘉
客知道浮榮不久長

燕子樓感事三首

張建封妾昞昞 四首

樓上殘燈伴曉霜獨眠人起合歡牀相思一夜情多
少地角天涯不是長

北邙松柏鎖愁煙燕子樓人思悄然自埋劍履歌塵
散紅衷香消已十年

適看鴻鴈岳陽回又覩玄禽逼社來瑤瑟玉簫無意
緒任教蛛網任從灰

和白舍人

自守空樓歛恨眉形同春後牡丹枝舍人不會人深
意訝道泉臺不去隨

獻陳陶處士

豫章蓮花妓 一首

蓮花爲號玉爲腮珍重尚書遣妾來處士不生巫峽
夢虛勞神女下陽臺

題興元明珠亭

京兆女子 一首

寂寥滿地落花紅獨有離人萬眼中回首池塘更無
語手彈珠淚與東風

續韋蟾句

武昌妓 一首

悲莫悲兮生別離
登山臨水送將歸
武昌無限新栽柳
不見楊花撲面飛

寄歐陽詹

太原妓 一首

自從別後減容光
半是思郎半恨郎
欲識舊來雲髻樣
爲奴開取縷金箱

酬趙象

武氏妾非煙 四首

綠慘雙蛾不自持
只緣幽恨在新詩
郎心應似琴心怨
脉脉春情更泥誰

荅趙象獨坐

無力嚴裝倚繡櫳
暗題蟬錦思難窮
近來贏得傷春

病柳弱花欹怯曉風

寄懷

畫簷春燕湏同宿
蘭浦雙鴛肯獨飛
長恨桃源諸女伴
等閒花裏送郎歸

荅趙象

相思只怕不相識
相見還愁却別君
願得化爲松上鶴
一雙飛去入行雲

歌送酒

鮑生妾 一首

風颭荷珠難暫圓
多情信有短因緣
西樓今夜三更月
還照離人泣斷絃

唐詩卷之五
憶崔生

紅綃妓一首

深洞鶯啼恨阮郎偷來花下醉
珠璫碧雲飄斷音書
絕空倚玉簫愁鳳凰

贈段何

客戶里女子一首

樂廣清羸經幾年姹娘相託
不論錢輕盈妙質歸何
處惆悵碧樓紅玉鈿

贈沈警

張女郎仲妹二首

洞簫響兮風生流清夜闌兮
絃管適長相思兮衡山
曲心斷絕兮秦隴頭

隴上雲車不復居湘川班竹
淚沾餘誰念衡山烟
裏空看鴈足不傳書

萬首唐人絕句卷第六十五

萬首唐人絕句卷第六十六

七言一百首

十離詩上浙東元相公

薛書記

犬離主

馴擾朱門四五年
毛香足淨主人憐
無端咬着親情
客不得紅絲毳
上眠

筆離手

越管宣毫始稱情
紅牋紙上撒花瓊
都緣用久鋒頭
盡不得羲之手裏擎

馬離廐

雪耳紅毛淺碧蹄追風曾到日東西爲驚玉貌郎君
墜不得華軒更一嘶

鸚鵡離籠

隴西獨自一孤身飛去飛來上錦綉都緣出語無方
便不得籠中再喚人

燕離窠

出入朱門未忍拋主人常愛語交交啣泥穢污珊瑚
簾不得梁間更壘巢

珠離掌

皎潔圓明內外通清光似眼水晶宮都緣一點瑕相

穢不得終宵在掌中

魚離池

戲躍蓮池四五秋常搖朱尾弄輪鈎無端擺斷芙蓉
朶不得清波更一遊

鷹離主

爪利如鋒眼似鈴平原捉兔稱高情無端竄向青雲
外不得君王手裏擎

竹離亭

翳鬱新栽四五行常將勁節負秋霜爲綠春筍鑽牆
破不得垂陰覆玉堂

鏡離臺

鑄瀉黃金鏡始開初生三五月徘徊為遭無限塵蒙
蔽不得華堂上玉臺

人日翫雪

趙彥昭 一首

始見青雲于律呂俄逢瑞雪應陽春今日回看上林
樹梅花柳絮一時新

湖州貢焙看發新茶

張文規 一首

鳳輦尋春半醉回僊娥進水御簾開牡丹花笑金鋪
動傳奏吳興紫笋來

項羽廟

李山甫 十六首

為虜為王盡偶然有何羞見漢江船停分天下猶嫌
少可要行人贈紙錢

下第出春明門

曾和秋雨驅愁入却向春風領恨回深謝霸陵隄畔
柳與人頭上拂塵埃

游俠兒

好把雄姿渾世塵一場閒事莫因循荆軻只為閒言
語不與燕丹了得人

望思臺

君父昏蒙死不回漫將平地築高臺九層黃土是何

物銷得向前冤恨來

滄浪峽

走轂飛蹄過此傍
幾人留意問滄浪
煙波莫笑題名客
爲愛朝宗日夜忙

代崇徽公主

金釵墜地鬢堆雲
自別昭陽帝豈聞
遣妾一身安社稷
不知何處用將軍

柳十首

灞岸江頭臘雪消
東風偷軟入纖條
春來不忍登樓望
萬架金絲著地嬌

受盡風霜得到春
一條條是逐年新
尋常送別無餘事
爭忍攀將過與人

長恨陽和也世情
把春和艷與紅英
家家只是栽桃李
獨自無根到處生

只爲遮樓又拂橋
被人摧折好枝條
假饒張緒如今在
湏把風流暗裏銷

弱帶低垂可自由
傍他門戶傍他樓
金風不解相擡舉
露壓煙欺直到秋

終日堂前學畫眉
幾人曾道勝花枝
試看三月春殘後
門外清陰是阿誰

也。曾飛絮謝家庭。從此風流別有名。不是向人無用處。一枝愁殺別離情。

從來只是愛花人。楊柳何曾占得春。多向客亭門外立。與他迎送往來塵。

強扶柔態酒難醒。漠漠春風別有情。公子王孫且相伴。與君俱得幾時榮。

無賴秋風斗且寒。萬條煙罩一時乾。遊人若要春消息。直向江頭臘後看。

贈酒糾

洛中舉子 一首

少插花枝少下籌。須防女伴妬風流。坐中若打占

令除却尚書莫點頭

贈紅綃妓

崔生 一首

誤到蓬萊頂上遊。明璫玉女動星眸。朱扉半掩深宮月。應照瓊枝雪艷愁。

與徐兵曹酬獻二首

桐廬神滕傳嗣 三首

浦口潮來初淼漫。蓮舟搖颺采花難。春心不愜空歸去。會待潮平更折看。

忽然湖上片雲飛。不覺舟中雨濕衣。折得蓮花渾忘却。空將荷葉蓋頭歸。

贈僧

卓立不求名出家長懷片志在青霞今日英雄氣衝
蓋誰能久坐寶蓮花

贈張無頗

廣利王女 二首

羞解明璫尋漢渚但憑春夢訪天涯紅樓日暮鶯飛
去愁殺深宮落砌花

燕語春泥墮錦筵情愁無意整花鈿寒闥欹枕不成
夢香炷金爐自裊煙

雲溪神歌一首

山勢縈回水脉分水光山色翠連雲四時盡入詩人
詠後殺吳興柳使君

贈蕭

洛浦神女 一首

玉筋凝腮憶魏宮朱絲一弄洗清風明晨追賞應愁
寂沙渚煙消翠羽空

織綃娘子

織綃泉底少歡娛更勸蕭郎盡酒壺愁見玉琴彈別
鶴又將清淚滴真珠

薄太后廟七首

薄后

月寢花宮得奉君至今猶媿管六人漢家舊日笙歌
處煙草幾經秋復春

王昭君

雪裏穹廷不見春
漢衣雖舊淚常新
如今最恨毛延壽
愛把丹青錯畫人

戚夫人

自別漢宮休楚舞
不施粧粉恨君王
無金豈得迎商叟
呂氏何曾畏木強

楊太真

金釵墮地別君王
紅淚流珠滿御牀
雲雨馬嵬分散後
驪宮不復舞霓裳

潘妃

秋月春風幾度歸
江山猶是舊宮非
東昏舊作蓮花地
空想曾披金縷衣

綠珠

此日人非昔日人
笛聲空怨趙王倫
紅殘翠碎花樓下
金谷千年更不春

牛僧孺

香風引到大羅天
月地雲階拜洞僊
共道人間惆悵事
不知今夕是何年

憑張立本女吟一首
高侍郎

危冠廣袖楚宮裝
獨步閒庭逐夜涼
自把玉簪敲砌

竹清歌一曲月如霜

荅王軒

苧蘿川女

一首

妾自吳宮還越國素衣千載無人識當時心比金石
堅今日為君堅不得

書韋氏巾

洞庭君

一首

昔日江頭菱芡人蒙君數飲松醪春活君家室以為
報珍重長沙鄭德璘

贈馬祖

峽中白衣

一首

截竹為筒作笛吹鳳凰池上鳳凰飛勞君更向黔南
去即是陶鈞萬類時

湘妃廟女子四首

渺渺三湘萬里程淚篋幽石助芳貞孤雲目斷蒼梧
野不得攀龍到玉京

碧杜紅蘅縹緲香水絲彈月夢清涼峰巒一一俱相
似九處堪疑百斷腸

玉輦金根去不回湘川秋晚楚絃哀自從泣盡江籬
血夜夜愁風怨雨來

少將風月怨平湖見盡扶桑水到枯相約杏花壇上
去畫欄紅子鬪檣蒲

送張雲谷酒

蕭鳳臺

一首

臉花不綻幾含幽
今夕陽春獨換秋
我守孤煙無白日
寒雲嶺上更添愁

劉蘭翹和

幽谷啼鶯整羽翰
犀沈玉冷自長歎
月華不忍扁泉戶
露滴松枝一夜寒

雲容和

韶光不鑿分成塵
曾餌金丹忽有神
不意薛生携舊律
獨開幽谷一枝春

薛昭和

誤入宮牆漏網人
月華清洗玉階塵
自疑來到蓬山

頂瓊艷三枝半夜春

寄夫周混

泉臺客人韋璜一首

早知離別切人心
悔作從來恩愛深
黃泉冥漠雖長逝
白日屏幃還重尋

幽冤詩

鄭瓊羅一首

痛填心兮不能語
寸腸斷兮訴何處
春生萬物妾不生
更恨香魂不相遇

贈元載

無名人一首

城東城西舊居處
城裏飛花亂如絮
海燕銜泥欲下來
屋裏無人却飛去

襄州舉人一首

流水涓涓芹芻牙織鳥西飛客還家荒村無人作寒
食殞宮空對棠梨花

巴陵古館吟

老青衣一首

耶娘送我青楓根不記青楓幾回落當時手刺衣上
花今日為灰不堪着

贈崔季衡

王使君女一首

五原分袂真胡越燕折鶯離芳草竭年少煙花處處
春北却空恨清秋月

荅女子

崔季衡一首

莎草青青鴈欲歸玉腮珠淚灑臨岐雲髮飄去香風
盡愁見鶯啼紅樹枝

五原女子一首

雲髮消盡轉蓬稀埋骨窮荒無所依牧馬不嘶沙月
白孤魂空逐鴈南飛

示唐燕士

九華山白衣一首

澗水潺潺聲不絕溪隴茫茫野花發自去自來人不
知歸時唯對空山月

甘棠叟一首

春草萋萋春水綠野棠開盡飄香玉繡嶺宮前鶴髮

人猶唱開元太平曲

示顏濬

張麗華一首

秋草荒臺響夜蜚白揚凋盡減悲風綵牋曾褻欺江
揔綺閣塵銷玉樹空

同賦

孔貴嬪一首

寶閣排雲稱望僊五雲高豔擁朝天青溪猶有當時
月應照瓊花綻綺筵

同賦

趙幼芳一首

素魄初圓恨翠蛾繁華濃艷竟如何南朝唯有長江
水依舊門前作逝波

和

顏濬一首

簫管清吟怨麗華秋江寒月綺窻斜慚非後主題牋
客得見臨春閣上花

同龐德公望荆門

鹿門少年馬紹隆首二

千年故國歲華奔一柱高臺已斷魂唯有峴亭清夜
月與君長嘯學蘇門

憶荆南

高名宋玉遺閒麗作賦蘭成絕盛才誰似遼東千歲
鶴倚天華表却歸來

金陵詞

故臺城妓一首

宮中細草香紅濕宮內纖腰碧窻泣唯有虹梁春燕
雛猶傍珠簾玉鉤立

耿將軍守瑩青衣一首

獨持巾櫛掩玄關小帳無人燭影殘昔日羅衣今化
盡白楊風起壠頭寒

石龕寺紅裳歌一首

涼風暮起驪山空長生殿鎖霜葉紅朝來試入華清
宮分明憶得開元中

題王紹窻上

無名人一首

何人窻下讀書聲南斗闌干北斗橫千里思家歸不

得春風腸斷石頭城

題崇聖寺

漢州朱衣人一首

禁煙佳節同游此正值醱醖夾岸香緬想十年前往
事疆吟風景亂愁腸

同前

紫衣人一首

策馬暫尋原上路落花芳草尚依然家亡國破一場
夢惆悵又逢寒食天

題芭蕉葉

張仁寶一首

寒食家家盡禁煙野棠風墜小花鈿如今空有孤魂
夢半在嘉陵半錦川

贈昇道里美人

謝翱 一首

陽臺後會杳無期
碧樹煙深玉漏遲
半夜香風滿庭
月花前竟發楚王時

美人荅

相思無路莫相思
風裏花開只片時
惆悵金閨却歸
處曉鶯啼斷綠楊枝

春陽曲

長安美人

長安少女踏春陽
何處春陽不斷腸
舞袖弓彎渾忘
却羅帷空度九秋霜

悼亡姬二首

韋檢

寶劍化龍歸碧落
嫦娥隨月下黃泉
一杯酒向青春
晚寂寞書窗恨獨眠
白浪漫漫去不回
浮雲飛盡日西頽
始皇陵上千年
樹銀鴨金鳧也變灰

亡姬和

春雨濛濛不見天
家家門外柳如煙
如今腸斷空垂
淚歡笑重追別有年

贈峽山寺僧

袁氏 一首

剛被恩情誤此心
無端變化幾湮沉
不如逐伴歸山
去長嘯一聲煙霧深

贈姚坤

天桃一首

鉛華久御回人間欲捨鉛華更慘顏縱有青丘今夜月無因重照舊雲鬟

寄紫蓋陽居士

黃陵美人一首

落葉棲鴉掩廟扉菟絲金縷舊羅衣渡頭明月好携手獨自待郎郎不歸

邢君牙宅怪三首

昔日炎炎徒自知今無烽竈欲何爲可憐國柄全無用曾見人人下末時

鐵銑

當時得意氣填心一曲君前直萬金今日不如庭下

竹風來猶得學龍吟

破笛

願焦鬢禿但心存力盡塵埃不復論莫笑今來同腐草曾經終日掃朱門

禿帚

渾家門客

和且耶一首

冬朝每去依煙火春至還歸養子孫曾向符王筆端坐爾來求食渾家門

寄同侶二首

盧倚馬

驢

長安城東洛陽道車輪不息塵渺渺爭利貪前競着鞭相逢盡是塵中老日晩長川不計程離羣獨步不能鳴賴有青青河畔

草春來猶得慰羈情

詠雪獻曹州房

敬去文一首

愛此飄飄六出公輕瓊冷絮舞長空當時正逐秦丞
相騰躑川原喜北風

言志二首

事君同樂義同憂那校糟糠滿志休不是守株空待
兔終當逐鹿出林丘
少年嘗負饑鷹用內顧曾無寵鶴心秋草毆除思去
害平原毛血與從禽

獻狄令

張辨一首

何用梯媒向外求長生只合內中修莫言大道人難
得自是行心不到頭

別墅偶題

蕭徹一首

新作茅齋野澗東松楸交影足悲風人間歲月如流
水何事頻行此路中

萬首唐人絕句卷第六十六

萬首唐人絕句卷第六十七

七言一百首

三日尋李九莊

常建 五首

雨歇楊林東渡頭
永和三日盪輕舟
故人家在桃花
岸直到門前溪水流

塞下曲四首

玉帛朝回望帝鄉
烏孫歸去不稱王
天涯靜處無征
戰兵氣消為日月光

北海陰風動地來
明君祠上御龍堆
髑髏皆是長城
卒日暮沙場飛作灰

龍關雌雄勢已分山崩鬼哭恨將軍黃河直北千餘
里冤氣蒼蒼成黑雲
因嫁單于怨在邊蛾眉萬古葬胡天漢家去此三千
里青冢常無草木煙

送僧遊山

熊孺登 四首

雲身自在山山去何處靈山不是歸日暮寒林投古
寺雪花飛滿水田衣

雪中答僧書

八行銀字非常草六出天花盡是梅無所與陳童子
別雪中辛苦遠山來

題逍遙樓傷故韋大夫

利及生人無更爲落花流水舊城池逍遙樓上雕龍
字便是羊公墮淚碑

戲贈費冠卿

但恐紅塵虛白首寧論蹇逸分先後莫占鶯花笑寂
寥長安春色年年有

梅花

來鵠 四首

枝枝倚檻照池冰粉薄香殘恨不勝占得早芳何所
利與他霜雪助威稜

聞蟬

綠槐陰裏一聲新霧薄風輕力未勻莫道聞時揔惆
悵有愁人有不愁人

賣花謠

紫艷紅苞價不同
匝街羅列起香風
無言無語呈顏色
知落誰家池館中

子規

月落空山聞數聲
此時孤館酒初醒
投人語若似伊
淚口畔血流應始聽

兩頭纖纖

雍裕之九首

兩頭纖纖八字眉
半白半黑燈影帷
膈膈膊膊曉禽

飛磊磊落落秋果垂

了語

掃却煙塵寇初勦
深水高林放魚鳥
鷄人唱絕殘漏
曉仙樂拍終天悄悄

不了語

浮名世利知多少
朝市喧喧塵擾擾
車馬交馳往復
來鍾鼓相催天又曉

聽彈沉湘

賈誼投文弔屈平
瑤琴能寫此時情
秋風一奏沉湘
曲流水千年作恨聲

豪家夏冰詠

金錯銀盤貯賜冰清光如聳玉山稜無論塵客閑停
扇直到消時不見蠅

宿棣華館聞鴈

不堪旅宿棣華館况有離羣鴻鴈聲一點秋燈殘影
下不知寒夢幾回驚

農家望晴

嘗聞秦地西風雨為問西風早晚回白髮老農如鶴
立麥場高處望雲開

宮人斜

幾多紅粉委黃泥野鳥如歌又似啼應有春魂化為
燕年來飛入未央栖

曲江池上

殷勤春在曲江頭全藉羣仙占勝游何必三山待鸞
鶴年年此地是瀛洲

和楊尚書重送

姚鵠 一首

桂枝攀得獻庭闈何似空懷楚橘歸好控扶搖早回
首人人思看大鵬飛

送僧入蜀過夏

曹松 一首

師言結夏入巴峯雲水回頭凡幾重五月峨眉須近

火木皮願重祗如冬

武陵開元觀黃鍊師院三首

王昌齡十五首

松間白髮黃尊師童子燒香禹步時欲訪桃源入溪
路忽聞鷄犬使人疑

先賢盛說桃花源塵忝何堪武陵郡聞道秦時避地
人至今不與人通問

山觀空虛清淨門從官役吏擾塵喧暫因問俗到真
境便欲投誠依道源

黃道士房問易

齊心問易太陽宮八卦真形一氣中仙老言余鶴飛

去玉清壇上雨濛濛

送萬太歸長沙

桂陽秋水長沙縣楚竹離聲為君變青山隱隱孤舟
微白鶴雙飛忽相見

送吳十九往沅陵

沅江流水到辰陽溪口逢君驛路長遠謫唯知望雷
雨明年春水共還鄉

別皇甫五

淑浦潭陽隔楚山離樽不用起愁顏明祠靈響期昭
應天澤俱從此路還

送崔參軍往龍溪

龍溪只在龍標上，秋月孤山兩相向。
譴謫離心是丈夫，鴻恩共待春江漲。

送鄭判官

東楚吳山驛，樹微輶車銜命奉恩輝。
英寮携出新豐酒，半道遙看驄馬歸。

送姚司法歸吳

吳掾留觴楚郡心，洞庭秋雨海門陰。
但令意遠扁舟送，不道滄江百丈深。

寄陶副使

聞道將兵破海門，如何遠謫渡湘沅。
春來明主封西岳，自有還君紫綬恩。

至南陵答皇甫岳

與君同疾復漂淪，昨夜宣城別故人。
明主恩波非歲久，長江還共五溪濱。

從軍行二首

胡瓶落膊紫薄汗，碎葉城西秋月圓。
明勅星馳封寶劔，辭君一夜取樓蘭。

玉門山嶂幾千重，山北山南揔是烽。
人依遠戍須看火，馬踏深山不見蹤。

河上歌

河上老人坐古槎
合丹只用青蓮花
至今八十如四十
十口道滄溟是我家

汴河覽古

徐凝十四首

煬帝龍舟向北行
三千宮女采撓輕
渡河不似如今
唱爲是誰家怨思聲

柬白丈人

昔時丈人鬢髮白
千年松下鋤茯苓
今來見此松樹
死丈人斬新鬢髮青

覽鏡詞

寶鏡磨來寒水清
青衣把就綠窓明
潘郎懊惱新秋
髮拔却一莖生兩莖

寄玄陽先生

不能相見見人傳
巖岸山中岱岸邊
顏貌只如三三
十道年三百亦藏年

白人

暖風入烟花漠漠
白人梳洗尋常薄
泥郎爲插瓏璵
釵爭教一朵牙雲落

奉酬元相公上元

出擁樓船千萬人
入爲台輔九霄身
如何更羨看燈

夜曾見宮花拂面春

奉和鸚鵡

毛羽曾經剪處殘
學人言語道暄寒
任饒長被金籠
闔也免栖飛雨雪難

將至妙喜寺

清風嫋嫋越水陂
遠樹蒼蒼妙喜寺
自有車輪與馬
蹄未曾到此波心地

紅蕉

紅蕉曾到嶺南看
校小芭蕉幾一般
差是斜刀剪紅
絹卷來開去葉中安

見少室

適我一簞孤客性
問人三十六峯名
青雲無忘白雲
在便可嵩陽老此生

語兒見新月

幾處天邊見新月
經過草市憶西施
娟娟水宿初三
夜曾伴愁娥到語兒

回施先輩見寄新詩二首

九幽仙子西山卷
讀了條繩繫又開
此卷玉清宮裏
少曾尋真誥讀詩來

紫河車裏丹成也
阜莢枝頭早晚飛
料得仙宮列仙

著如君進士出身稀
送沈亞之赴郢掾

千萬乘驄沈司戶不須惆悵郢中遊
幾年白雪無人唱今日唯君上雪樓

高司馬移竹

馬戴 二首

叢居堂下幸君移翠掩燈窓露葉垂
莫羨孤生在山者無人看着拂雲枝

贈前蔚州崔使君

戰回脫劍縮銅魚塞鴈迎風避隼旗
欲識前時爲郡政校成上下考新書

入蒲關寄故人

岑參 三首

秦山數點似青黛渭水一條如白練
京師故人不可見寄將兩紙西飛燕

五月四日送人

仙馬分明引馬頭西看一點是關樓
五日也應須到舍知君不肯更淹留

山房春事

風恬日暖蕩春光戲蝶游蜂亂入房
數枝門柳低衣桁一片山花落筆床

寄陽朔友人

曹鄴 一首

桂林雖產千株桂未解當天影日開我到月中收得
種爲君移向故園栽

題佛殿前孤石

劉長卿一首

迥出竒峯當殿前雪山靈鷲慙貞堅一片夏雲長不
去莓苔古色空蒼然

諫垣明日轉對

鄭谷十首

吾君英睿相君賢其柰寰區未晏然明日翠華春殿
下不知何語可聞天

讀前集

風騷如線不勝悲國步多艱即此時愛日滿階看古

集祗應陶集是吾師

郊墅戲題

竹巷溪橋天氣涼荷開稻熟村酒香唯憂野叟相回
避莫道儂家是漢郎

宗人惠四藥

宗人忽惠西山藥四味清新香助茶爽得心神便騎
鶴何須燒得白朱砂

題張衡廟

遠俗只憑淫祀切多年平子固悠悠江煙日午無簫
鼓直到如今詠四愁

山鳥

驚飛失勢粉墻高好箇聲音好羽毛小婢不須催射
彈且從枝上喫櫻桃

黯然

縉紳奔避復淪亡消息春來到水鄉屈指故人能幾
許月明花好更悲涼

借薛尚書集

江天冬暖似花時上國音塵杳未知正被蠶聲喧老
耳今君又借薛能詩

小北廳閑題

冷曹孤宦本相宜山在墻南落照時洗竹澆莎足公
事一來羸寫一聯詩

菊

日日池邊載酒行黃昏猶自遶黃英重陽過後頻來
此甚覺多情勝薄情

送客之鄂州

韓翊一首

江口千家帶楚雲江花亂點雪紛紛春風落日誰相
見青翰舟中有鄂君

問張山人疾

李端一首

先生沉病意何如蓬艾門前客轉踈不見領徒過絳

帳唯聞與婢削丹書

再至長安

李涉 三首

十年謫宦鬼方人三遇鴻恩始到秦今日九衢騎馬
望却疑渾是利頭身

贈道器法師

水作形容雪作眉早知談論兩川知如今不用空求
佛但把令狐宰相詩

廬山得元侍御書

慙君知我命龍鍾一紙書來意萬重正著白衣尋古
寺忽然郵遞到雲峯

寄晉光上人

陸希聲 一首

筆下龍蛇似有神天池雷雨變逡巡寄言昔日不龜
手應念江湖泔泔人

寄李十員外

王仲舒 一首

百丈懸泉舊卧龍欲將肝膽替時雍唯愁又入煙霞
去知在廬峯第幾重

題李賓客舊居

李虞 一首

逢時不得致升平豈是明君忘姓名眼暗髮枯緣世
事今來無淚哭先生

病中和大夫翫江月

許渾 四首

江上懸光海上生仙舟迢遞繞軍營高歌一曲同筵
醉却是劉楨坐到明

讀戾太子傳

佞臣巫蠱已相疑身沒湖邊築望思今日更歸何處
是年年芳草上臺基

酬對雪見寄

飛度龍山下遠空拂簷紫竹晝濛濛知君吟罷意無
限曾聽玉堂歌北風

王可封臨終

十世爲儒少子孫一生長負信陵恩今朝埋骨寒山

下爲報慈親休倚明

泗上奉送相公

趙嘏 三首

語堪銘座默含春西漢公卿絕比倫今日抱轅留不
得欲揮雙涕學舒人

贈桐鄉丞

舟觸長松岸勢回潺湲一夜繞亭臺若教靖節先生
見不肯更吟歸去來

哭李進士

牽馬街中哭送君靈車輾雪隔城聞唯有山僧與樵
客共舁孤櫬入幽墳

放鶴

雍陶 二首

從今一去不須低見說
遼東好去栖努力莫辭仙路
遠白雲飛處免群雞

早秋月夜

身閑伴月夜深行
風觸衣裳四體輕
為見近來天氣好
幾篇詩興入秋成

前望江麴令頌德

蕭鎮 一首

政績雖殊道且同
無辭買石紀前功
誰論重德光青史
過里猶歌卧轍風

秋日出遊偶作

武元衡 三首

黃花丹葉滿江城
漸愛江頭風景清
閑步欲舒山野性
貔貅不許獨行行

贈別崔起居

三十年前會府同
紅顏銷盡兩成翁
別淚共將何處灑
錦江南渡足春風

人日立春

盧仝 一首

春度春歸無限春
今朝方始覺成人
從今克己應猶及
願與梅花俱自新

訪鑿師姪

賈島 六首

維摩青石講初休
緣訪親宗到普州
我有軍持憑弟

子岳陽溪裏汲寒流

酬朱侍御

他寢此時吾不寢近秋三五日逢晴相思唯有霜臺
舊望盡孤光見却生

題韋雲叟草堂

新起此堂開北窓當窓山隔一重江白茆苦屋重重
密愛彼秋天夜雨涼

方鏡

背如刀截機頭錦面似升量澗底泉銅爵臺南秋日
得照來照去已三年

夏夜登南樓

水岸閑樓帶月躋夏林初見岳陽溪一點新螢報秋
信不知何樹是菩提

李斯井

井存上蔡南門外置此井時來相秦斷續數尋垂古
甃取將寒水是何人

盆池

姚合 三首

浮萍重疊水團圓客遶千遭屐齒痕莫驚池裏尋常
滿一井清泉是上源

贈別胡逸

唐詩集卷之二十七
記得春闈同席試
逡巡何啻十年餘
今日相逢又相
送予乘五馬子單車

光上人乞百齡藤杖

衰病近來多少力
光公乞我百齡藤
閑來此日向何
處過水緣山只訪僧

萬首唐人絕句卷第六十七

萬首唐人絕句卷第六十八

七言一百首

早入中書

錢珣二首

不意雲霄能自致
空驚鴛鴦忽相隨
臘雪新晴栢子
殿春風欲上萬年枝

和王貞外雪晴早朝

紫微晴雪帶恩光
遶仗偏隨鴛鴦行
長信月留寧避
曉宜春花滿不飛香

請告出春明門

李羣玉十一首

本不將心挂名利
亦無情意在樊籠
鹿裘藜杖且歸

去富貴榮華春夢中

旅游番禺獻涼公

帝鄉羣侶杳難尋
獨立滄州歲暮心
野鶴飛栖無遠近
稻梁多處是恩深

張璪壁畫

片石長松倚素楹
條然雲壑見高情
世人只愛凡花鳥
無處不知梁廣名

書院二小松

一雙幽色出凡塵
數粒秋煙二尺鱗
從此靜窻聞韻
琴聲長伴讀書人

言懷

白鶴高飛不逐群
嵇康琴酒鮑昭文
此身未有棲歸處
天下人間一片雲

勸入廬山讀書

憐君少雋利如鋒
氣爽神清刻骨聰
片玉若磨唯轉瑩
莫辭雲外入廬峯

聞笛

冉冉生山草何異
截而吹之動天地
望鄉臺上望鄉時
不獨落梅兼落淚

曉宴

金波西傾銀漢落綠樹含煙倚朱閣曉華隴聰聞調
笙一點殘燈隔羅幕

將遊荊州投魏中丞

貧埋病壓老嶺岼拂拭菱花不喜看又恐無人肯青
眼事須憑仗小還丹

二辛夷

狂吟亂舞雙白鶴霜翎玉羽紛紛落空庭向晚春雨
微却斂寒香抱瑤萼

題龍潭西齋

寂寞幽齋暝煙起滿徑西風落松子遠公一去堯率

宮唯有門前虎谿水

鏡道中吹簫

陳陶 二首

金欄白的苦筳筵雙鳳夜伴江南樓十洲人聽玉樓
曉空向千山桃杏枝

贈野老

何年種芝白雲裏人傳先生老萊子消磨世上名利
心澹若岩間一流水

宿山祠

張籍 三首

秋草宮中斜裏墓宮中誰送葬來時千千萬萬皆如
此家在城邊亦不知

送律師歸婺州

京中開講已多時曾作壇頭證戒師歸到雙溪橋北
寺鄉僧爭就學威儀

張蕭遠雪夜同宿

數卷新遊蜀客詩長安僻巷得相隨草堂雪夜携琴
宿況似青城館裏時

送李四校書

僧元孚一首

朱絲寫別鶴泠泠詩滿紅牋月滿庭莫學楚狂隳姓
字知音還有子期聽

送小師勝雲

皎然二首

昨日雪山知爾名吾今坐石已三生少年道性易流
動莫遣秋風入別情

送僧遊福州

禪子自矜禪性成將心擬點建溪清南看閩樹花不
落更取何情了妄情

題三鄉驛十一首 若耶溪女子

昔逐良人西入關良人身沒妾空還謝娘衛女不相
待爲雨爲雲過別山

陸洞和

惆悵殘花怨暮春孤鸞舞鏡倍傷神清詞好箇干人

事疑是文姬第二身

王祝和

女几山前嵐氣低佳人留眼此中題不知雲雨歸何處空使王孫見即迷

劉谷和

蘭蕙芬芳見玉姿路傍花笑景遲遲
苧蘿山下無窮意併在三鄉惜別時

王條和

浣沙游女出關東舊跡新詞一夢中
槐陌柳亭何限事年年回首泣春風

李昌鄴和

紅粉蕭娘手自題分明幽怨發雲闈
不應更學文君去泣向殘花歸剡溪

王碩和

無姓無名越水濱芳詞空怨路傍人
莫教才子子偏惆悵宋玉東家是舊鄰

李縞和

會稽王謝兩風流王子沉淪謝女愁
歸思若隨文字在路傍空為感千秋

張綺和

洛川依舊好風光
蓮帳無因見女郎
雲雨散來音信斷
此生遺恨寄三鄉

高衢和

南北千山與萬山
軒車誰不思鄉關
獨留芳翰悲前跡
陌上恐傷桃李顏

韋水和

來時歡笑去時哀
家國迢迢向越臺
待寫百年幽思盡
故宮流水莫相催

楊柳枝詞

韓琮四首

枝鬪纖罽葉鬪眉
春來無處不如絲
霸陵原上多離

別少有長條拂地垂

二月二日游洛源

舊苑新晴草似苔
人還香在踏青回
今朝此地成惆悵
已後逢春更莫來

駱谷晚望

秦川如畫渭如絲
去國還家一望時
公子王孫莫來好
嶺花多是斷腸枝

暮春澹水送別

綠暗紅稀出鳳城
暮雲宮闕古今情
行人莫聽官前水
流盡年光是此聲

晦日呈諸判官

韓滉 一首

晦日新晴春自嬌萬家攀折渡長橋年年老向江城
寺不覺東風換柳條

贈去妾

崔郊 一首

公子王孫逐後塵綠珠垂淚滿羅巾侯門一入深如
海從此蕭郎是路人

人日遇雪應制

李嶠 二首

千鍾聖酒御筵披六出祥靈亂繞枝即此神仙對瓊
圃何煩轍迹向瑤池

送司馬先生

蓬閣桃源兩處分人間海上不相聞一朝琴裏悲黃
鶴何日山頭望白雲

邊詞

張敬忠 一首

五原春色舊來遲二月垂楊未挂絲即今河畔冰開
日正是長安花落時

河陽橋送別

柳中庸 四首

黃河流出有浮橋晉國歸人此路遙若傍欄干千里
望北風驅馬雨蕭蕭

征怨

歲歲金河復玉關朝朝馬策與刀環三春白雪歸青

冢萬里黃河遶黑山

涼州曲二首

關山萬里遠征人一望關山淚滿巾
青海戍頭空有月黃沙磧裏本無春

高檻連天望武威窮陰拂地戍金微
九城絃管聲遙發一夜關山雪滿飛

寒食

孟雲卿一首

二月江南花滿枝他鄉寒食遠堪悲
貧居往往無煙火不獨明朝爲子推

寒食夜

李宣古一首

人定朱門尚半開初星粲粲點昭回
此時寒食無燈燭花柳蒼蒼月欲來

寒食獻羣守

伍唐珪一首

入門堪笑復堪憐三徑苔封一釣船
慙愧四鄰教斷火不知厨裏久無煙

奉和祓禊

韋嗣立一首

乘風祓禊逐風光扈蹕陪鑾渭渚傍
還笑當時水濱老衰年八十待文王

奉和祓禊

沈佺期一首

寶馬香車清渭濱紅桃碧柳禊堂春
皇情尚憶垂竿

唐詩卷之六
八
佐天祚先呈捧劍人

奉和袞襖

李义一首

上林花鳥暮春時上巳陪游樂在茲此日欣逢臨渭
賞昔年空道濟汾詞

喜韓少府見訪

胡釘琰三首

忽聞梅福來相訪笑着荷衣出草堂兒童不慣見車
馬走入蘆花深處藏

觀諸妓繡樣

日暮堂前花葉嬌爭拈小筆上床描繡成安向春園
裏引得黃鸝下柳條

小兒垂釣

蓬頭稚子學垂綸倒坐莓苔草映身路人借問遙招
手恐畏魚驚不應人

葬寶雞行路士人 寥有方一首

嗟君沒世委空囊幾度勞心翰墨場半面爲君申一
慟不知何處是家鄉

傷春吟

何光遠四首以下
並賓仙傳

簷上簷前燕語新柳開花發自傷神誰能將我相思
意說與隈江解珮人

蒼龍女

淡蕩春光物象饒一枝瓊艷不勝嬌若能許解相思
珮何羨星天渡鵲橋

催粧二首

玉漏涓涓銀漢清鵲橋新架路初成催粧旣要裁篇
詠鳳吹鸞歌早會迎

寶車輾駐綵雲開誤到蓬山頂上來瓊室旣登花得
折未將凡骨逐風雷

贈何生

明月潭龍女二首

坐久風吹綠綺寒九天月照水精盤不思却返沉潛
去爲惜春光一夜歡

留別何郎

負妾當時寤寐求從茲粉面阻綢繆宮空月苦瑤雲
斷寂寞巴江水自流

鬻丹砂醉吟

劉道昌二首

心田但使靈芝長氣海常教法水朝功滿自然留不
住更將何物馭丹青

龜市告別

還丹功滿氣成胎九百年來混俗埃自此三山一歸
去無因重到世間來

貨丹吟

鄰場道人一首

尋仙何必三山上但使神存九竅清煉得綿綿元氣
定自然不食亦長生

羣仙降蜀宮六首 后土夫人

偶引羣仙到世間薰風殿裏醉華筵等閑貪賞不歸
去愁殺韋郎一覺眠

王母

滄海成塵幾萬秋碧桃花發長春愁不來便是數千
載周穆漢皇何處游

麻姑

世間何事不潜然人得人情命不延適向蔡家廳上

飲回頭已見一千年

上元夫人

思量往事一愁容阿母曾邀到漢宮城闕不存人不
見茂陵荒草恨無窮

弄玉

采鳳飛來到禁闈便隨王母駐瑤池如今記得秦樓
上偷見蕭郎惱妾時

太真

春夢悠揚生下界一堪成笑一堪悲馬嵬不是無情
地自遇蓬萊睡覺時

臨刑賦

楊損 一首

聖主何曾識仲都可嗟社稷在須臾市東便是神仙窟何必乘舟泛五湖

東洛貨丹

許學士 二首

三千功滿去升天一住人間數百年華表他時却歸日滄溟應恐變桑田

天關回到世吟

九霄雲路奇哉險曾抱冲身入太和今日東歸渾似夢望崖回首隔天波

經故宮女墳有感

聶通志 二首

家國久隨狂虜沒春蕪又向冢頭青如今憶得當時事為爾傷心一涕零

長郊煙淡月華清因醉荒墳半夜醒失路孤吟不勝苦暗中應有鬼神聽

吟送酒

京昭儀寶仙 一首

爭不逢人話此身此身長夜不知春自從國破家亡後壠上惟添芳草新

張夫人華國 一首

休說人間恨戀多况逢佳客此相過堂中縱有千般樂爭及陽春一曲歌

景才人舜英 二首

幽谷窮花似妾身縱懷香艷吐無因多情公子能相訪應解回風暫借春

留金扼臂贈別

恩情未足曉光催數朶眠花未得開却羨一雙金扼臂隨君此去出泉臺

琴中歌

孫玄照 一首

相如曾作鳳兮吟昔被文君會此音今日孤鸞還獨語痛哉仙子不彈琴

荅孫客

王仙山 一首

鴛鴦相見不相隨籠裏籠前整羽衣但得他時人放去水中長作一雙飛

送青城丈人酒

紫微孫處士 二首

深羨青城好洞天白龍一覺已千年鋪雲枕石長松下朝退看書盡日眠

送王懿昌酒

將知骨分到仙鄉酒飲金華玉液漿莫道人間只如此回頭已是一年強

送太一真君酒

青城丈人 一首

我眉仙府靜沉沉玉液金華莫厭斟凡客欲知真一

洞劔門西北五雲深

送紫微處士酒

太一真君一首

此中何必羨青城玉樹雲樓不記名
悶即乘龍游紫府北辰南斗逐君行

蜀宮應制

李舜絃夫人三首

濃樹禁花開後庭飲筵中散酒醒醒濛濛
雨草瑤階濕鍾曉愁吟獨倚屏

釣魚不得

盡日池邊釣錦鱗
芰荷香裏暗銷魂
依稀縱有尋香餌
知是金鈎不肯吞

隨駕游青城

因隨八馬上仙山
頓隔埃塵物象閑
只恐西追王母宴
却憂難得到人間

摘紫芝

李太玄二首

偶游洞府到芝田
星月茫茫欲曙天
雖則似離塵世了
不知何處遇真仙

玉女舞霓裳

舞勢隨風散
復收歌聲似磬韻
還幽千回赴節填詞
處嬌眼如波入鬢流

錦城春望

卓英英四首

和風裝點錦城春
細雨如絲壓玉塵
漫把詩情訪竒
景艷花穠酒屬閑人

理笙

頻倚銀屏理鳳笙
調中幽意起春情
因思往事成惆
悵不得綵山和一聲

游福感寺荅少年

牡丹未及開時節
況是秋風莫近前
留待來年二三
月一枝和露壓神仙

荅玄士

數載幽欄種牡丹
裏香包艷待神仙
神仙既有丹青

術携取何妨入洞天

和錦城春望

眉娘二首

蠶市初開處處春
九衢明艷起香塵
世間縱有浮華
事爭及仙山出世人

和理笙

但於閨閣熟吹笙
太白真仙自有情
他日丹青驂白
鳳向愁子晉不聞聲

畫地吟

太白山玄士一首

學得丹青數萬年
人間幾度變桑田
桑田雖變丹青
在誰向丹青合得仙

贈葛氏小娘子

潘雍 一首

曾聞仙子住天台欲結靈姻愧短才若許隨君洞中
住不同劉阮却歸來

和潘雍

葛氏女 一首

九天天遠瑞煙濃駕鶴駝龍意已同從此三山山上
月瓊花開處照春風

紫霄夫人席上

桃花夫人 一首

昔時訓子西河土漢使經過問妾緣自到仙山不知
老凡間喚作幾千年

萬首唐人絕句卷第六十八

萬首唐人絕句卷第六十九

七言一百首

過大哥山池

明皇 三首

澄潭皎鏡石崔嵬萬壑千巖暗綠苔林亭自有幽真
趣況復秋深爽氣來

傀儡吟

刻木牽絲作老翁鷄皮鶴髮與真同須臾弄罷寂無
事還似人生一夢中

題梅妃畫真

憶昔嬌妃在紫宸鉛華不御得天真霜綃雖似當時

態爭奈嬌波不顧人

上元日二首

文宗

上元高會集羣仙心齋何事欲祈年丹誠儻徹玉帝
座且共吾人慶大田

賞生三五葉初齊上元羽客出桃蹊不愛仙家登真
訣願蒙四海福黔黎

題涇縣水西寺

宣宗 一首

大殿連雲接賞溪鍾聲還與鼓聲齊長安若問江南
事說道風光在水西

謝賜珍珠

梅妃 一首

桂葉雙眉久不描殘粧和淚汚紅綃長門盡日無梳
洗何必真珠與寂寥

大言聯句

顏真卿 四首

高歌閬風步瀛洲燁鵬滄鯤餐未休四方上下無外
頭一啜頓涸滄溟流

樂語

苦河既濟真僧喜新知滿坐笑相視戍客歸來見妻
子學生放假偷向市

曉語

拈餽舐指不知休欲炙侍立涎交流過屠大嚼肯知

羞食店門外強淹留

醉語

逢糟遇麴便酩酊覆車墜馬皆不醒倒著接籬髮垂
領狂心亂語無人並

酬令狐舍人

楊巨源 五首

曉禁蒼蒼換直還暫低鸞翼向人間亦知受業公門
事數仞丘壙不見山

和令狐郎中

題詩一代占清機秉筆三年直紫微自稟道情齟齬
異不同蘧玉學知非

方城驛逢孟侍御

走馬溫湯直隼飛相逢矍鑠理征衣軍中得力兒男
事入驛從容見落暉

題清涼寺

憑檻霏微松樹煙陶潛曾用道林錢一聲寒磬空心
曉花雨知從第幾天

石水詞 一首見前

山叟和雲斲翠屏煎時分日檢仙經天人持此扶衰
病勝得瑤池水一瓶

宿杭州虛白堂

李郢 一首

秋月斜明虛白堂寒蛩唧唧樹蒼蒼江風徹曉不得
睡二十五聲秋點長

海鷗詠

顧況一首

萬里飛來為客鳥曾蒙丹鳳借枝柯一朝鳳去梧桐
死滿目鳴鳶奈爾何

玉蘂院真人降

元稹一首

弄玉潛過玉樹時不教青鳥出花枝的應未有諸人
覺只是嚴郎不得知

建節後偶作

楊汝士一首

拋却弓刀上砌臺上方臺榭與雲開山僧見我衣裳

窄知道新從戰地來

題貢院

魏扶一首

梧桐葉落滿庭陰鎖閉朱門試院深曾是昔年辛苦
地不將今日負初心

楊柳枝詞二首

皇甫松

爛漫春環水國時吳王宮殿柳絲垂綠鶯長叫香闈
畔西子無因更得知

春入行宮暖翠旗玄宗侍女舞煙絲如今柳向空城
綠玉笛何人更把吹

悼楊氏妓琴絃

韋莊一首
或作朱褒非

竟歸寥廓鬼歸煙只住人間十八年昨日施僧裙帶
上斷腸猶繫琵琶絃

西山靜中吟

施肩吾

一首
見仙隱傳

重重道氣結成神玉闕金堂逐日新若數西山得道
者連予便是十三人

對趙穎歌

朱子真

一首

人間幾日變桑田誰識神仙洞裏天短促雖知有殊
異且須歡醉在生前

題搔口

張仲謀

一首

嘗聞燒尾便擎空只過天門更一重大禹未生門未

鑿可能天下揔無龍

春雪

焦郁

一首

春雪空濛簾外斜霏微半入野人家長天遠樹山山
白不辨梅花與柳花

夢中答妻

蘇檢

一首

還吳東下過澄城樓上清風酒半醒想得到家春欲
暮海棠千樹已凋零

登慈恩寺塔

楊玠

三首

紫雲樓下曲江平鴉噪殘陽麥隴青莫上慈恩最高
處不堪看又不堪聽

遣歌妓

垂老無端用意乖誰知道侶厭清齋如今又采蘼蕪
去辜負張君繡鞞鞋

長安舊居

四鄰侵我我從伊畢竟須思未有時試上含元殿基
望秋風秋草正離離

題東都安國觀

盧尚書一首

夕照紗窗起暗塵青松遶殿不知春君看白首誦經
者半是宮中歌舞人

客舍寄柳博士

薛業一首

去年燕巢主人屋今年花發路傍枝年年為客不歸
去舊國存亡那得知

題楊收相公宅

尹璞一首

禍福從來路不遙偶然平地上煙霄煙霄未穩還平
地門對孤峯占寂寥

偶題

鄭雲叟二首

帆力衝開滄海浪馬啼踏破亂山青浮名浮利濃於
酒醉得人心死不醒

題病僧寮

佛前香印廢晨燒金錫當門照寂寥童子不知師病

困報風吹折好芭蕉

啄木鳥

朱慶餘 一首

丁丁向晚急還稀
啄盡庭槐未肯歸
終日為君除蠹
害莫嗔無事不平飛

題故翠微宮

驪山遊者 一首

翠微寺本翠微宮樓閣亭臺幾十重
天子不來僧又去
樵夫時倒一株松

題濠州高塘館

閻敬愛 一首

借問襄王安在哉
山川此地勝陽臺
今宵寓宿高塘館
神女何曾入夢來

戲題前詩後

李和風 一首

高唐不是這高塘
淮畔荆南各異方
若向此中求薦枕
參差笑殺楚襄王

贈杜荀鶴

第八人及第放榜日是生日

王希羽 一首

金榜曉懸生世日
玉書漸記上昇時
九華山色高千尺
未必高於第八枝

西上辭母墳

陳去病 一首

高蓋山頭日影微
黃昏獨立宿禽稀
林間滴酒空垂淚
不見丁寧囑早歸

讀孝經

方愚 一首

星彩滿天朝北極源流是處赴東溟為臣為子不忠
孝辜負宣尼一卷經

大言詩

郗峭 一首

線大長江扇大天履鞋拋在海東邊世間多少閑蟲
豸盡在郊生拄杖前

山居

陳寡言 一首

醉臥茅堂不閉關覺來開眼見前山松花落處宿猿
在麋鹿羣羣林際還

閑吟

徐靈符 一首

學道全真在此生迷徒待死更求生今生不了無生

理縱得生之何處生

侯臺秀才一首小不同

大道全真在此生愚人待死更求生此生不在今生
度縱有生從何處生

遺臨平監吏

朱冲和 一首

三千里外布干戈果得鯨鯢入網羅今日寶刀無殺
氣只緣君處受恩多

秋望夜吟和

長安二鬼 一首

六街鼓絕行人歇九衢茫茫空有月九衢生人何勞
勞長安土盡槐根高

贈穆郎

桂林青蘿帳女子

三首
榕樹精

團圓今夕色光暉結了同心翠帶垂此後莫交塵點
染他年長照歲寒姿

寒帳

揉藍綠色麴塵開靜見三星入坐來桂影已圖攀折
後子孫長作棟梁材

題碧花牋

珠露素中書繾綣青蘿帳裏寄鴛鴦自憐孤影清秋
夕洒淚徘徊滴冷光

贈朱朴

廬山女子

一首
鯉魚

知君久積池塘夢這我方思變動來操執若同顏淑
子今宵寧免淚盈顙

擊盤歌送歐陽訓酒

新林驛女子

一首
飛生蟲

飛燕身輕未是輕枉將弱質在巖扃今來不獨同鴛
枕相伴神蒐入杳冥

題二妃廟

尤啓中

二首

目斷蒐銷正惘然九疑山際路漫漫何人知得心中
恨空有湘江竹萬竿

湘妃席上

常說仙家事不同偶陪花月此宵中錦屏銀燭皆堪

恨惆悵紗窓向曉風

題二妃廟

崔渥 二首

萬里同心別九重定知涉歷此相逢誰人翻向羣峯
路不得蒼梧徇玉容

湘妃席上

春鳥交交引思濃豈期塵跡拜仙宮鸞歌鳳舞飄珠
翠疑是陽臺一夢中

席間賦

湘妃 二首

鸞輿昔日出蒲關一去蒼梧更不還若是不留千古
恨湘江何事竹猶班

愁聞黃鳥夜關關
媯汭春來有夢還
遺美代移刊勒絕
唯聞留得淚痕斑

同賦

西施 一首

方承恩寵醉金盃豈謂干戈驟到來亡國破家皆有
恨捧心無語淚蘇臺

同賦

桃源仙子 一首

桃花流水兩堪傷
洞口煙波月漸長
莫道仙家無別恨
至今垂淚憶劉郎

同賦

洞庭龍女 一首

涇陽平野草初春
遙望家鄉淚滴頻
當此不知多少

恨至今空憶在靈姻

別主人

素娥一首

妾閉閑房君路歧
妾心君恨兩依依
鬼神儻遇巫陽
伴必逐朝雲暮雨歸

荅素娥

韋洵美二首

別恨離羣自古聞
此心難捨意難論
承恩必若頒時
服莫使沾濡有淚痕

假僧場悶吟

四壁紛紛蟋蟀聲
背燈欹枕夢難成
人間有此不平
事何處人能報不平

題明月堂二首

劉氏婦

蟬鬢驚秋華髮新
可憐紅隙盡埃塵
西山一夢何年
覺明月堂前不見人

玉鉤風急響丁東
回首西山似夢中
明月堂前人不到
庭梧一夜老松風

題秦隴間郵亭

乾符童謠二首

八月無霜寒草青
將軍騎馬出空城
漢家天子西巡
狩猶向江東更索兵

別本

秦隴無人塞草腥
將軍一去泣空營
漢家天子東巡

狩行到江南又起兵

守庚申

程紫霄 一首

不守庚申亦不疑此心常與道相依玉皇已自知行
止任汝三彭說是非

題沙苑門

誰氏女

二首
見聞奇錄

昔逐良人去上京良人身沒妾東征同來不得同歸
去永負朝雲暮雨情

別本

昔逐良人去上京良人登第却東征同來却得同歸
去免負朝雲暮雨情

題桐樹詠度支雜事典 駱浚 一首

幹聳一條青玉直葉鋪千疊綠雲低爭如燕雀偏巢
此却是鴛鴦不得棲

彭門偶題

薛能 一首

淮王西舍固非夫柳惲偏州未是都直到春秋諸列
國擁旄才子也應無

惜花三首

張碧

千枝萬枝占春開彤霞著地紅成堆一窖閑愁驅不
去殷勤對爾酌金盃

老鴉拍翼盤空疾准擬浮生如瞬息阿母蟠桃香未

齊漢皇骨葬秋山碧

朝開暮落煎人老無人爲報東君道
留取穠紅伴醉吟莫教少女來吹掃

僧院影堂

許渾一首

香銷雲凝舊僧家僧刹殘燈壁半斜
日暮松煙空漠漠秋風吹破妙蓮華

上歸州刺史代通狀二首

僧懷濬

家在閩山東復東其中歲歲有花紅
如今不在花紅處花在舊時紅處紅

家在閩川西復西其中歲歲有鶯啼
如今不在鶯啼處鶯在舊時啼處啼

處鶯在舊時啼處啼

題縉雲山鼎池

徐凝一首

黃帝旌旗去不回空餘片石碧崔嵬
有時風卷鼎湖浪散作晴天雨點來

題顏氏亭宇

孟賓于一首

園林蕭灑聞來久欲訪因循二十秋
今日開襟吟不盡碧山重疊水長流

題情盡橋

雍陶一首

從來只有情難盡何事名爲情盡橋
自此改名爲折柳任他離恨一條條

弔孟圖

裴澈一首

一章何罪死何名投水惟君與屈平從此蜀江煙雨
夜杜鵑聲作兩般聲

孟才人

張祜二首

與前篇微不同

偶因清唱奏歌頻選入宮中十二春絕後一聲河滿
子九原須弔孟才人

江上旅泊呈杜真外

牛渚南來沙岸長遠吟佳句望池陽野人未必非毛
遂太守還須是孟嘗

水殿拋毬曲二首 李謹言

侍宴黃昏曉未休玉階夜色月如流朝來自覺承恩
最笑倩傍人認繡毬

堪恨隋家幾帝王舞榭揉盡繡鴛鴦如今重到拋毬
處不是金爐舊日香

與夫訣

嚴灌出妻真氏

一首
重在前

當時心事已相關雨散雲收一餉間便是孤帆從此
去不堪重過望夫山

題僧院壁二首

鍾離權

得道高僧不易逢幾時歸去願相從自言住處連蓬
島別是蓬萊第一峯

莫厭追陪笑語頻尋思離亂可傷神閑來屈指從頭
數得見清平有幾人

送人

徐夙英 二首

惆悵人間萬事違兩人同去一人歸生憎平望亭前
水忍照鴛鴦相背飛

叙懷

爲失三從泣淚頻此身何用處人倫雖然日逐笙歌
樂常羨荆釵與布裙

裴給事宅白牡丹 開元名公 一首

長安豪貴惜春殘爭賞新開紫牡丹別有玉盤承露

冷無人起就月中看

元白席上 李昇 一首

生在儒家偶太平玄纁重滯布衣輕誰能世路趨名
利臣事玉皇歸上清

端正樹 奉天文士 一首

昔日偏沾雨露榮德皇西幸賜佳名馬嵬去此無多
地合向楊妃冢上生

詠張譚山水 李頎 一首

小山破體閑支策落日梨花照空壁詩堪記室始風
流盡與將軍作勅敵

聽王敬邀彈琴

李山甫 一首

幽蘭綠水耿清音
歎息先生在用心
世上幾時曾好
古人前何必獨沾襟

萬首唐人絕句卷第六十九

萬首唐人絕句卷第七十

七言一百首

感月

白居易 六十三首

存亡感月一潸然
月色今宵似往年
何處曾經同望
月櫻桃樹下後堂前

酬錢貞外

雪中重寄雪山偈
問荅殷勤四句中
本立空名緣破
妄若能無妄亦無空

夜惜禁中桃花因懷錢貞外

前日歸時花正紅
今夜宿時枝半空
坐惜殘芳君不

見風吹狼籍月明中

和元九峇山驛夢

入君旅夢來千里
閉我幽魂欲二年
莫忘平生行坐處
後堂階下竹叢前

寄新蜀茶

蜀茶寄到但驚新
渭水煎來始覺珍
滿甌似乳堪持翫
况是春深酒渴人

病中作

病來城裏諸親故
厚薄親疎心揔知
唯有蔚章於我分
深於同在翰林時

感化寺見元劉題名

微之謫去千餘里
太白無來十一年
今日見名如見面
塵埃壁上破窓前

發商州

商州館裏停三日
待得妻孥相逐行
若比李三猶自勝
兒啼婦哭不聞聲

紅鸚鵡

安南遠進紅鸚鵡
色似桃花語似人
文章辯慧皆如此
籠檻何年出得身

羅藥

自學坐禪休服藥從他時服病沉沉此身不要全強
健強健多生人我心

讀莊子

去國辭家謫異方中心自怪少憂傷為尋莊子知歸
處認得無何是本鄉

夢中贈曇禪師

五年不入慈恩寺今日尋師始一來欲知火宅焚燒
苦方寸如今化作灰

三月三日懷微之

良時光景常虛擲壯歲風情已闌銷忽憶同為校書

日每年同醉是今朝

戲贈戶部李判官

好去民曹李判官少貪公事且謀歡男兒未死爭能
料莫作忠州刺史看

送高侍御因寄楊八

明月峽邊逢制使黃茅岸上是忠州到城莫說忠州
惡無益虛教楊八愁

棣華驛見楊八題夢兄弟詩

遙聞旅宿夢兄弟應有郵亭名棣華名作棣華來早
晚自題詩後屬楊家

赴杭州重宿驛感題

往恨今愁應不殊
題詩梁下又踟蹰
羨君猶夢見兄弟
我到天明睡亦無

慈恩寺有感

自問有何惆悵事
寺門臨入却遲回
李家哭泣元家病
柿葉紅時獨自來

惜園花

曉來紅萼凋零盡
始見空枝四五株
前日狂風昨夜雨
殘芳更合得存無

樟亭雙櫻

南館西軒兩樹櫻
春條長足夏陰成
素華朱實今雖盡
碧葉風來別有情

問楊瓊

古人唱歌兼唱情
今日唱歌惟唱聲
欲說向君君不
會試將此語問楊瓊

思子臺有感二首

曾家機上聞投杼
尹氏園中見掇蜂
但以恩情生隙罅
何人不解作江充

闇生魑魅
嘉生蟲何異
讒生疑阻中
但使武皇心似
燭江充不敢作江充

和郭使君枸杞

山陽太守政嚴明，吏靜人安無犬驚。
不知靈藥根成，狗怪得時聞吠夜聲。

元相挽歌詞三首

銘旌官重威儀盛，騎吹聲繁函簿長。
後魏帝孫唐宰相，六年七月葬咸陽。

墓門已閉笳簫去，唯有夫人哭不休。
蒼蒼露草咸陽壠，此是千秋第一秋。

送葬萬人皆慘澹，反虞駟馬亦悲鳴。
琴書劍佩誰收，拾三歲遺孤新學行。

病免後喜除賓客

卧在漳濱滿十旬，起爲商客伴三人。
從今且莫嫌身病，不病何由索得身。

勸病鶴

右翅低垂左脛傷，可憐風貌甚昂藏。
亦知白日青天好，未要高飛且養瘡。

醉中重留夢得

劉郎劉郎莫先起，蘇臺蘇臺隔雲水。
酒盞來從一百分，馬頭去便三千里。

送崔駙馬赴兗州

戚里誇爲賢駙馬儒家認作好詩人魯侯不得辜風
景沂水年年有暮春

送僧遊江南

忽辭洛下緣何事擬向江南住幾時每過船頭應問
法無妨菩薩是船師

往年喪白馬題詩聽壁感懷

路傍埋骨蒿草合壁上題詩塵蘚生馬死七年猶悵
望自知無乃太多情

二月二日

二月二日新雨晴草芽菜甲一時生輕衫細雨春乍

少十字津頭一字行

戲荅思黯

征夫與我世相忘故態些些亦不妨縱酒放歌聊自
樂接輿爭解教人狂

醉後聽唱桂華曲

桂華詞意苦丁寧唱到嫦娥醉便醒此是世間腸斷
曲莫教不得意人聽

荅閑上人問風疾

一床方丈向陽開勞動文殊問疾來欲界凡夫何足
道四禪天始免風災

罷炎炎

病身佛說將何喻變滅須臾豈不聞莫遣淨名和我
笑休將火艾灸浮雲

強起迎春

杖策人扶廢病身情和強起一迎春他時蹇跛縱行
得笑殺平原樓上人

夜涼

露白風清庭戶涼老人先著夾衣裳舞腰歌袖拋何
處唯對無絃琴一張

寄潮州楊繼之

相府潮陽俱夢中夢中何者是窮通他時事過方應
悟不獨榮空辱亦空

贈思黯

爲憐清淺愛潺湲一日三迴到水邊若道歸仁灘更
好主人何故別三年

離別難詞

綠楊陌上送行人馬去車回一望塵不覺別時紅淚
盡歸來無可更沾巾

池上寓興

濠梁莊惠漫相爭未必人情知物情獺捕魚來魚躍

出此非魚樂是魚驚

灘聲

碧玉班班沙歷歷清流泱泱響泠泠自從造得灘聲
後玉管朱絃可要聽

題石泉

殷勤傍石遶前行不說何人知我情漸恐耳聾兼眼
暗聽泉看石不分明

招山僧

能入城中乞食否莫辭塵土污袈裟欲知住處東城
下遶竹泉聲是白家

池鶴八絕句

雞贈鶴

一聲警露君能薄五德司晨我用多不會悠悠時俗
士重君輕我意如何

鶴荅雞

爾爭伉儷泥中鬪吾整威儀松上棲不可遣他天下
眼却輕野鶴重家雞

烏贈鶴

與君白黑太分明縱不相親莫見輕我每夜啼君怨
別玉微琴裏忝同聲

鶴蒼鳥

吾愛棲雲上華表汝多攫肉下田中吾音中羽汝聲
角琴曲雖同調不同

鳶贈鶴

君誇名鶴我名鳶君叫聞天我戾天更有與君相似
處饑來一種啄腥羶

鶴蒼鳶

無妨自是莫相非清濁高低各有歸鸞鶴羣中彩雲
裏幾時曾見喘鳶飛

鵝贈鶴

君因風送入青雲我被人驅向鴨羣雪頸霜毛紅網
掌請看何處不如君

鶴蒼鵝

右軍歿後欲何依只合隨雞逐鴨飛未必犧牲及吾
輩大都我瘦勝君肥

禽蟲八章

燕違戊巳鵠避歲茲事因何羽族知疑有鳳王頒鳥
歷一時一日不參差
江魚羣從稱妻妾塞鴈聯行號弟兄但恐世間真眷
屬親踈亦是強爲名

阿閣鸚鵡田舍烏妍蚩貴賤兩懸殊如何閉向深籠

裏一種摧頽觸四隅有所感也

獸中刀鎗多怒吼鳥遭羅弋盡哀鳴羔羊口在緣何

事閤死屠門無一聲有所悲也

蟪蛄殺敵蚊巢上蠻觸交爭蝸角中應似諸天觀下

界一微塵內鬪英雄自照也

蠨蛸網上罨蟬蛸反覆相持死始休何異浮生臨老

日一彈指頃報恩讎

蟻王化飯為臣妾螺母偷蟲作子孫彼此假名非本

物其間何怨復何恩

鵝乳養雛遺在水魚心想子變成鱗細微幽隱何窮

事知者唯應是聖人

李賈二大諫拜命後寄楊八

劉禹錫三首

諫省新登二直臣萬方驚喜捧絲綸則知天子明如

日肯放淮陽高卧人

洛中春末從杜錄事

尊前花下長相見明日忽為千里人君過午橋回首

望洛城猶自有殘春

米嘉榮與前篇不同

一別嘉榮三十載忽聞舊曲尚依然如今世俗輕前

輩好染髭鬚事少年

上崔殼

延福里筆精一首

能令音信通千里解致蛟龍運八行惆悵江生不相
賞應緣自負好文章

寄弟洎蜀牋

韓浦一首

十樣蠻牋出益州寄來新自浣溪頭老兄得此全無
用助爾添修五鳳樓

哭林傑

鄭宣一首

才高未許賈生年何事孤冤逐逝川螢聚帳中人已
去鶴離臺上月初懸

雪席口占

高崇文一首

崇文崇武不崇文提戈出塞舊從軍有似胡兒射鴈
落白毛空裏亂紛紛

迎孫刺史

池州門子朱元一首

昔日郎君今刺史朱元依舊守朱門今朝竹馬諸童
子君是當時竹馬孫

秘色越器

陸龜蒙一首
集外

九秋風露越塞開奪得千峯翠色來好向中宵盛沆
漚共稽中散鬪遺杯

舊識銀工邀食

薛昭緯一首

一櫟羶根數十皴盤中猶更有紅鱗
早知文字多辛苦悔不當初學鍛銀

熱戲樂

張祐 十九首

熱戲爭心劇火燒銅槌暗熱不相饒
上皇失喜寧王笑百尺幢竿果動搖

玉環琵琶

宮樓一曲琵琶聲滿眼雲山是去程
回顧段師非汝意玉環休把恨分明

題酸棗驛前碑

蒼苔古澁自雕踈誰道中郎筆力餘
長愛當時遇王

粲每來碑下不關書

題朱兵曹山居

朱氏西齋萬卷書水門山閣自高踈
我來穿穴非無意願向君家作壁魚

贈畫僧二首

骨峭情高彼岸人一杯長泛海為津
僧儀又入清流品却恐前生是許詢
瘦頸隆肩碧眼生翰林親讚虎頭能
終年不語看如意似證禪心入大乘

送走馬使

新樣花文配蜀羅同心雙帶蹙金蛾慣將喉舌傳軍
好馬跡鈴聲遍兩河

題御溝

萬樹垂楊拂御溝溶溶漾漾遶神州都緣濟物心無
阻從此恩波處處流

題青龍寺

二十年沉滄海間一游京國也應然人人盡到求名
處獨向青龍寺看山

硫黃

一粒硫黃入貴門寢堂深處問玄言時人盡說韋山

甫昨日餘干弔子孫

散花樓

錦江城外錦城頭回望秦川上軫憂正值血冤來夢
裏杜鵑聲在散花樓

王家五絃

五條絃出萬端情撚撥間關漫態生唯羨風流田太
守小金鈴子耳邊鳴

聽薛陽陶吹蘆管

紫清人下薛陽陶末曲新笳調更高無奈一聲天外
絕百年已死斷腸刀

聽簡上人吹蘆管

蜀國僧吹蘆一枝隴西游客淚先垂至今留得新聲在却爲中原人不知

過汾水關

千里南來背日行關門無事一侯羸山根百尺路前去十夜耳中汾水聲

櫻桃

石榴未拆梅猶小愛此山花四五株斜日庭前風裊裊碧油千片漏紅珠

酬凌秀才惠枕

八寸黃楊惠不輕虎頭光照篋文清空心想此緣成夢拔劍燈前一夜行

送溫飛卿赴方城

方城新尉曉衙參却是傍人意不甘盡夜與君思賈誼瀟湘猶隔洞庭南

感春申君

薄俗何心議感恩諂容卑迹賴君門春申還道三千客寂寞無人殺李園

送張參及第還家

錢起 五首

太學三千聞琢玉東堂一舉早成名借問還家何處

好中人含笑下機迎

送符別駕還錢塘

驥足駸駸吳越間
屏星復與紫書還
知君從事元無事
城上愁看海上山

晚歸嚴明府題門

降士林霑蕙草寒
空驚翰苑失鴛鴦
秋中回首君門阻
馬上應歌行路難

僧壁畫山水

連山畫出映禪扉
粉壁香筵滿翠微
坐來鑪氣紫空徹
共指晴雲向嶺歸

校獵曲

長楊殺氣連雲飛
漢主秋畋正掩圍
重門日晏紅塵出
數騎畋人獵獸歸

桃花潭別汪倫

李白一首
集外

李白登舟欲遠行
忽聞江上踏歌聲
桃花潭水深千尺
不及汪倫送我行

哭殷遙

王維二首

送君返葬石樓山
松柏蒼蒼賓馭還
埋骨白雲長已矣
空餘流水向人間

李龜年所歌

清風以月苦相思蕩子從戎十載餘征人去日殷勤
祝歸鴈來時數附書

萬首唐人絕句卷第七十

